



Proget promovût di 'La Vôs dai Furlans' e 'ARLeF'

Lu saveviso
che...?

MAMAN

la VÔS dai FURLANS

Il carton
de setemane




Tui e Tuie a tachin a fâ sù une cjase pes trê razutis.
Tui al fâs di diretôr dai lavôrs, ma nol vûl scoltâ propit
nissun consei...

Cjalìn insiemi la pontade di *Tui*
e *Tuie* "Il Tui comandin" su



Piture il dissen



Dal vinars de Setemane
Sante fin a Pasche, lis
cjampanis des glesiis no sunin plui,
in ricuart de muart di Jesù. Une volte, in
Friûl, i fruts a clamavin la int a messe, lant
ator pal païs cun batecui e cu lis craçulis
(par talian *raganella*). La craçule e je un
strument musicâl, fat di tocs di len che
batint un su chel altri, a fasin un sun
come il cjant dai crots.

Cumò fâs tu!



Ridi
a plene
panze!

Cuâl isal il colm par un dispetôs?
No tal dîs!!

Pagine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilis su**



ANCJE
'ON DEMAND'
SU telefriuli

Cjale lis gnovis
pontadis su
telefriuli

Vinars aes 18.30
e in repliche domenie
aes 7.00 e aes 13.00

STELIS E LUSIGNIS
Noa



Roc. La energjie di chei dîs
achì ti puarte a fâ une vore
di sport, ma une vitalitât
compagne no tu le âs intai
rapuarts cun chei altris.



Gjambar. Intes
discussions in famee
tu âs di vê un grum di
pazience e no tu âs di
rabiâti. Cussì dut si
sclaris miôr.



Balance. Tu âs di frontâ
un biel dubi: restâ leât ae
vite di ogni di o fâ un biel
viaç? In duçj i doi i câs, tu
risolvarâs cuntun truc.



Bec di mont. Sta plui
dongje a fradis
e amis parcè che
a podaressin dâti
il consei just.



Taur. Tal lavôr tu
ravis a meti in pratiche
lis tôs cognossincis e i
coleghis ti disin graciis.



Leon. Alc di chei che ti
son intor no ti convinc,
tu fasis ben a fâ cualchi
pas indaûr e a no cjapâ
nissun impegn.



Sgarpion. Tu finissis l'an
plen di fuarce e voie di
rivâ, lis stelis a son de tû
bande, ce vuelistu miôr di
cussì?



Agarûl. La Lune e à voie
di fâti cualchi dispiet e
cussì, biel che tu ti gjoldis
un moment di pâs, jê ti
fâs un çopedon.



Zimui. Tu sês plui
viert cu la int e ches
ti permet di cognossi
personis gnovis,
cualchidune e pues
deventâ tû amie.



Vergjine. Ti è vignude
tal gâf une persone che
no tu viodis di un pieç, tu
fasis ben a clamâle.



Sagjitari. Tu vuelis
gjolditi une vite comude
e plene, e par vêle tu fasis
tancj sfuarç, atent però a
no lassâ indaûr la famee.



Pes. Par frontâ ben
il doman tu âs di
dismenteâ fats e
personis leâts al to
passât.